

11 MAR 2002

TPM SINGAPURA DIRAI PADA MAJLIS JAMUAN MALAM

KUALA LUMPUR, 11 Mac (bernama) -- Timbalan Perdana Menteri Datuk Seri Abdullah Ahmad Badawi malam ini meraikan rakan sejawatannya dari Singapura Lee Hsien Loong pada satu jamuan malam di sini.

Turut hadir pada majlis itu ialah menteri-menteri kabinet, timbalan-timbalan menteri, pegawai-pegawai tinggi kerajaan serta ketua-ketua korporat.

Lee tiba di Malaysia hari ini untuk lawatan empat hari bertujuan mengukuhkan hubungan dua hala.

Petang tadi, Lee mengunjungi Perdana Menteri Datuk Seri Dr Mahathir Mohamad dan Abdullah. Lee juga menerima kunjungan Menteri Pertahanan Datuk Seri Najib Tun Razak.

Dalam pertemuan Lee dengan Abdullah, kedua-dua pemimpin itu antara lain membincangkan mengenai kerja-kerja penambakan di Pulau Tekong yang bersempadan dengan perairan Malaysia.

--BERNAMA

MAD AZH NAK